

蛇犬傷人
之救星

已戌丹方

附刊經驗良方

錢振鐸署名



南京中医药大学图书馆版权所有

蛇犬傷人之救星已戌丹方目次

已戌丹良方發刊序	一
記已戌丹原方之由來	三
已戌丹原方	五
已戌丹治驗	七
配藥須知	十三
施治須知	十五
附刊 經驗良方目次	
治癩犬咬傷救急效方	三則 一
治蛇螫驗方	三則 六
萬應如意痢疾丸	八
倪涵初痢疾奇效驗方	九
治臃脹奇效方	兩則 十五

治肺癰驗方	兩則 十七
治哮喘良方	三則 十八
治吐血奇方	二〇
治兩足流火驗方	二〇
湯泡火傷急救效方	兩則 二〇
治湯泡火傷必效油	二一
家庭工 庭必備 跌打損傷聖藥玉真散	二三
急救跌打損傷妙方	二四
防止瘀血攻心	二四
治凍瘡簡易良方	三則 二四
治小兒螳螂子方	二五
催小兒月內平安出痘方	二六
小兒稀痘及避免驚風推揉法	二七

已戌丹良方發刊序

凡爲毒蛇所螫。瘋犬所咬者。輒有性命之憂。然蛇螫者不恆見。而爲瘋犬所咬者。則每有所聞。被咬者苟治療稍遲。或治不得法。毒發必死。其死狀之慘。可怖可憫。余聞之熟矣。間嘗留心經驗良方。可治瘋犬毒者。輒錄之。少時讀串雅（方書）得萬年青方（萬年青一名千年蓋。其方用萬年青根搗汁。令傷者飲之。須連服數碗。使毒血從大小便中解出。即可全愈）每以語人有服之奏效者。先大人曾命抄錄此方。徧貼通衢。以廣流傳。萬年青根易得（人家恆種於盆中）服法尙簡便。惟其根所含水分甚少。欲絞汁數碗。必用多量之根。此非平日多植萬年青不可。然焉有人留心及此哉。繼見增廣驗方新編蛇犬咬傷補遺中所載一方。謂其效如響。斯應（原方附刊於後）而方中所用之紫竹根。似非隨地所有者。又昔年申報家庭常識中所載一方。亦云有奇效。然藥中須用地鼈蟲七枚。多殺物命以活人。雖從權之道。而仁者有所不忍（原方亦刊於後）且地鼈蟲亦非隨處皆有者（北方未見此蟲）是則上述二方。縱

有奇效。或非倉卒所能購備。余意苟有能愈此病之良藥。可製成液體或丸散。置之瓶中。則携取既便。流傳可廣。雖窮鄉僻壤。不患無法致之。庚午春。余于役皖南。偶與同人謝君季康縱譚及此。季康謂其族兄祥芝有治蛇犬毒之秘方。曰已戌丹。居恆配製此藥以濟人。靈效無比。惟祥芝獲此方。頗多曲折。傳方者且囑以施藥毋施方。故甚秘之。余聞斯言。因託季康寓書祥芝。願自出資請爲製藥。俾便濟人。書既發。余適因事赴滬。蒙謝君祥芝過訪。卽以原方相贈。並受余託。代向雷允上藥號配製此丹。余得之如獲至寶。携歸施送。凡爲蛇犬所傷者。輕則用藥點目。重則內服。無不應手立愈。誠有起死回生之妙。數年來已治愈多人矣。竊思如此良方。不宜久秘。近因商諸謝君。得其同意。刊以行世。願見者聞者。或如法製送。或廣爲流傳。務使獠犬之獠。毒蛇之毒。均不足爲人害。庶此方不虛刊耳。

中華民國二十二年十二月武進楊平譔於開封旅次

記已戌丹原方之由來

已戌丹爲治蛇犬傷人之聖藥。其方本爲上海東馬橋鎮某氏所珍藏。初南匯謝君祥芝有胞兄慶芝爲瘋犬所嚙。醫治而愈。以爲無恙矣。詎知餘毒未清。不久而疾作。遽慘死。祥芝痛之。乃立願欲得治瘋犬毒之必效良方。製藥濟人。爲亡兄造福。覓方之際。聞東馬橋某染坊施送靈藥。能治蛇犬毒。名曰已戌丹。因專誠求之。顧某染坊雖施藥有年。而藏此方甚秘。不輕示人。縱往求。無所得也。然祥芝不以是灰心。求方之意益誠。且篤。嗣藏方主人鑒其誠。親携此方到滬。訪祥芝於謙吉旅館。（謝君祥芝在謙吉旅館任事）適不相值。仍携方去。再訪之。又未值。又携方去。其後祥芝訂期待之。始相晤。主人持方鄭重授之。且語之曰。家傳此方甚貴重。向祇施藥不施方。今以授君。毋輕示人。恐不肖者挾真方而製僞藥。用以漁利。轉害人也。謝君唯唯受之。由是得製藥以濟人。並守原

約爲秘此方。然遇誠意求之者。亦錄與之。非終秘之也。余旣得此方於謝君。施藥奏奇效。恆思刊之以公世。徒以謝君與傳方主人有成約。不敢自專。且蹈掠美之咎。今秋赴滬。走訪謝君。面陳鄙意。以謂此方苟流傳普遍。卽有不肖者欲製僞藥以射利。計將無所逞。謝君韙余言。允余公諸世。惟原傳此方之主人。余不獲謀面。復不明其姓氏。無法徵其同意。此爲缺憾。然此方流傳旣廣。活人必衆。諒亦授方主人所樂聞。而其所種善因。更無量無邊矣。謹誌數言。用代贊揚云耳。

中華民國二十二年十二月楊平并記

已戌丹原方

奎瀛珠 一錢

上西黃 一錢

大紅瑪瑙 一錢

上腰黃 二錢

大紅礪砂 一錢

大梅片 一錢

當門子 一錢

白硝 二錢

右藥八味。共研細末。裝入磁瓶（或小玻璃瓶）應勻裝一百小瓶。先用蠟封口。再用火漆加封。勿令洩氣。勿受潮濕。用時分男左女右。將藥點入眼潭。（即近鼻梁之眼角）點後。閉目仰視。使藥性下行。輕者點三次即愈。重者可速服一小瓶。用溫開水送下。孕婦忌點。（按孕婦點服此丹。恐有墮胎之虞。此冊附刊經驗良方中。有孕婦不忌之方。可檢用之。）

蛇犬傷人之救星巳戌丹方
巳戌丹原方

巳戌丹治驗

余初製此丹送人時。知之者寡。故索藥者甚尠。余因思中蛇犬毒者。以鄉村之間爲多。苟在鄉村間施送此丹。則得救者較衆。余有表兄王君世民。家於邑之南鄉。居恆採集治黃疸病草。及治療癰草（療癰俗名癰子塊。蘇滬一帶名癰子頸。爲結核病之一種）療人之病。輒奏奇效。絕不索酬。余以其好善。卽以巳戌丹數瓶交之。託其遇有中蛇犬毒者。代爲點治。王君乃在鄉廣貼傳單。招中毒者往。點服此丹。凡往求治者。無不藥到病除。於是遠近咸知。求治者日衆。活人亦無算。故後錄治驗數則。以王君處治愈者爲多。

民國二十年初冬。南宅鎮左近。有瘋犬嚙傷五人。其中四人至王君處求治。卽爲之點藥。且留之宿。毒盡而去。另一人不願醫治。且語人曰。吾年將花甲。死亦何害。遠道求醫。效否不可知。聽之可耳。不謂被嚙後二十七天。毒遽發。時神思

尙清。囑其家人曰。速閉置我一室。毋相近。家人不忍。則獨臥一室。自鍵其門。俄而疾大作。嚙牀柱。碎木片片下。慘呼一日夜而死。其四人則完全無恙。（按此四人苟向王君索藥少許。携歸爲其人點目。當可不死。惜哉。）

民國二十一年春間。有一少婦。懷孕四月餘。中瘋犬毒。求治。語以此丹雖有奇效。孕婦點之。恐有墮胎之虞。此婦謂但得救我一命。於願已足。不暇顧及胎兒矣。乃爲點目一次。復給藥少許。囑其携歸點之。毒盡而胎墮。婦體壯健如常。又一婦人。懷孕已七月。亦中瘋犬毒。爲點此藥。幸未動胎。點藥三次。病毒悉除。足月後產兒。母子均健全無恙。（按孕婦點服已戌丹。究覺冒險。萬一因胎墮而喪母命。豈非仍遭慘死。余意倘孕婦不幸而中瘋犬毒。可檢此冊附刊癩犬傷人救急方中之第一方。或任擇一方治之。若中蛇螫毒。可用附刊中蛇螫驗方治之。）

鄉人某（王君曾述其姓名余已忘之）爲瘋犬所嚙。受毒頗深。王君爲點藥三次。目中無淚。腹痛頻作。乃取此丹半瓶。用溫開水化服之。某服藥後卽睡。夜中時起小便。約八九次。天明後視溺桶中。血筋縷縷。粗如絨頭繩。而尿色渾似血水。復與點藥。則淚珠滾滾下。而胸腹中亦舒適如常人矣。其人感謝不止。陳某爲毒蛇所螫。腿部腫大。倩人抬至王君處求治。其人目已昏花。視物不明。急以已成丹一瓶。和溫開水使服。並用淘米泔水爲之洗濯創口。復以薄皮紙七層剪成圓形。貼於傷處。未幾毒水從創口流出。皮紙盡濕。目光卽回復原狀。乃更爲點藥三次。翌日又服藥半瓶。腿腫全消。竟能步行而去。孫某爲蛇所螫。毒牙斷入創口中。神思昏迷。勢極危險。至王君處求治。乃急用溫開水和已成丹一瓶使服之。又爲之點目。然後洗濯其創口。徐徐取出毒牙。用膏藥一張。置此丹少許。貼於創上。逾數小時。腿腫漸消。乃復服此丹半瓶。點

目兩次。翌晨。其人自謂病已全愈。不肯再服此丹。亦不肯點目。告別而去。嗣聞其鄰居云。孫某歸後。咽喉腫痛。不能進食。因另求醫診治。一醫謂中毒太深。無可解救。又一醫生則勉開一方。囑其試服。孫某懷疑之際。未卽服藥。喉腫亦漸愈。使其人肯再服藥半瓶。或再點目數次。喉腫當早愈也。

壬申冬至節。余回里掃墓。留宿鄉間。住壩頭村族弟德生處。有二人各挈其子來求治。一約五六歲。一約七八歲。謂兩兒同日爲瘋犬所嚙。其傷一輕一重。傷重者曾挈往狼山醫治。據醫生云。受毒太深。難望治愈。然所耗川資及醫藥費。已三十餘元矣。云云。余爲一一點藥。傷重者目眶無淚。且係嚙傷面頰。血痂猶存。余卽贈丹一瓶。囑二人携歸。傷重者化服半瓶。並爲點目。傷輕者但點目。不必服藥。後兩兒皆全愈。至今無恙。

今歲初夏。(民國二十二年)開封南關外三十里許。有農人之家犬。忽患癩。

連嚙數人。并傷其主。余聞之。欲贈以此丹。適携藥已罄。乃急以原方向開封藥肆松鶴齡接洽。詢問此項藥料。是否完備。肆中人審視一過。並爲核算。答稱藥料悉備。惟價值甚昂。配製全料。需洋八十餘元。（余在滬常一帶藥肆配製此丹。全料僅需洋五十餘元。）余謂藥料苟佳。貴亦無妨。肆中人云。藥之良否。關人生命。本號斷不敢輕視人命而用劣藥。余乃託製半料之半。（二十五小瓶。）丹既製妥。遣人先送一瓶於受傷者。囑其用藥點目。有三人點此丹。數日即愈。餘二人雖被犬嚙。僅有微傷。遂不介意。乃兩星期後。咸覺腹中飽滿。不思飲食。形寒體疲。無力耕作。即復來城索藥。余爲點目。完全無淚。知受毒頗深。各贈藥一瓶。囑携去。且點且服。半月後詢之。已能下田耕作矣。

蛇犬傷人之救星巳戌丹方 巳戌丹治驗

配藥須知

(一) 此丹中貴重藥品居大多數。應向城市內大藥號配製。

(二) 謝君購備此丹。向在上海雷允上藥號配製。余初配藥。亦託謝君經手。向雷允上購製。後以藥將告罄。函滬續購。殊費時日。聞吾常存仁藥社所備珍貴藥品。尙稱豐富。因卽就近在常州配製。丹成施送。功用相等。惟偏僻縣邑市面不振之處。藥鋪中所備名貴藥品。未必完全。則配藥時似可寄款至省城中大藥號購製。

(三) 此丹全料爲一百服。分裝一百小瓶。惟謝君購製此丹。僅配全料四分之一。分裝二十五小瓶。俟送完時。再配藥四分之一應用。蓋以一次配足全料。價旣昂貴。而施用日久。丹藥或將洩氣。轉減功效也。余初配此丹時。亦照謝君辦法。嗣以索藥者日衆。乃與家兄秉銓合資各配藥半。

料施送。藥將送完時。再合一料。各分半料繼續。蓋如此則藥氣不至洩散耳。

(一) 藥瓶之口須塞緊。並以火漆封固之。啓用後。如尙有餘藥。仍須塞緊封好。

(一) 如交通過於偏僻之地。無法購製此丹。則可檢附方中癩犬咬傷神效方。任擇其一。照方向當地藥鋪購藥煎服。爲毒蛇所螫者。照附刊中蛇螫驗方治之。自能奏效。

施治須知

一 治病時用針或用紙撚挑藥少許分男左女右點入眼潭內（卽近鼻處之眼角內）令病人閉目仰首使藥性下行約五六分鐘然後啓目點藥時若眼淚頗多則中毒尙輕點三次卽愈苟點藥而無眼淚其毒必重應日點二三次連點三日以求毒盡或逕用溫開水過服此丹半瓶則奏效自速毒極重者可服一瓶

一 孕婦點服此丹或內服每有墮胎之虞惟受胎已滿七箇月者尙可保全母子無恙若受胎僅三四箇月則祇能保全母命難顧胎兒（此就余施藥後之經驗言之）倘孕婦被瘋犬所嚙或被蛇螫最好勿用此丹速檢附刊中所載癩犬咬傷神效方及蛇螫驗方任擇其一如法治療定能奏效且可不動胎氣

一 蛇螫者往往有毒牙斷入創口內可用硼酸水或淘米泔水將創口洗淨（硼酸水或不易得可臨時以米一掬置水中淘洗取水應用北地無大米處卽用溫開水洗亦可洗時勿以手觸創口以防染毒）並徐徐將毒